

IV CARREIRA POPULAR

CONCELLO DE BEGONTE



22 DE XUÑO 2019

CLUB FLUVIAL DE BEGONTE

INSCRICIÓNS ATA AS
23.59 HORAS DO 19 DE XUÑO



INSCRICIÓNS NA WEB
WWW.CHAMPIONCHIPNORTE.COM

CARREIRA ABSOLUTA ÁS 11:00
CARREIRAS MENORES ÁS 12:00



APERITIVOS DESPOIS DA
ENTREGA DE PREMIOS



Concello de
Begonte



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

O **Concello de Begonte** inclúe na súa programación deportiva a “**IV Carreira Popular Concello de Begonte**”, co obxectivo de fomentar o deporte como hábito saudable, ademais de, potenciar a dinamización do municipio.

ARTIGO 1: DATA

A IV Carreira Popular Concello de Begonte celebrarase o 22 de Xuño de 2019 ás 11.00 h. O punto de encontro e saída das carreiras estará situado no Club Fluvial de Begonte.

ARTIGO 2: PARTICIPACIÓN

Poderán participar nesta proba tódalas persoas que o desexen. Cada atleta participa voluntariamente e declara, baixo a súa responsabilidade, que se encontra en condicións físicas óptimas para realizar a proba

ARTIGO 3: CATEGORÍAS, DISTANCIAS E HORARIOS

	HORA DE INICIO	CATEGORÍA	ANO NACEMENTO / IDADES	DISTANCIA
CARREIRA ABSOLUTA	11.00	SENIOR	Nados en 2000 a 34 anos	7000 m aprox
		Veteráns A	35 a 44 anos	7000 m aprox
		Veteráns B	45 a 54 anos	7000 m aprox
		Veteráns C	Maiores de 55	7000 m aprox
CARREIRAS MENORES	12.00*	D	Nados/as en 2001-2002-2003	3500 m aprox
	12.15*	C	Nados/as en 2004-2005-2006	2000 m aprox
	12.35*	B	Nados/as en 2007-2008-2009	1000 m aprox
	12.45*	A	Nados/as en 2010 e 2011	500 m aprox
	12.50*	Mini	Nados/as en 2012 e 2015	150 m aprox

*Os horarios das carreiras menores poderán variar dependendo do número de inscritos.

Na carreira absoluta tamén se establecerá unha **clasificación por equipos**, tanto no categoría masculina como na feminina. A puntuación realizarase pola suma dos tempos dos tres primeiros integrantes do equipo. Cada equipo deberá ter un mínimo de catro integrantes en cada categoría. A inscrición dos equipos farase a través de invitación.



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

ARTIGO 4 : CIRCUÍTO

O circuítO transcorrerá por vías asfaltadas, e estará completamente pechado ó tráfico e acoutado con valos e outros elementos delimitadores, naqueles tramos nos que non exista unha diferenciación natural. O percorrido estará sinalizado en cada punto quilométrico.

Os únicos vehículos que poderán seguir a proba serán os autorizados pola Organización.

As carreiras terán lugar unicamente pola calzada do tráfico rodado, sen empregar ningunha zona peonil. Está prohibido o uso como zona de carreira as beirarrúas, zonas axardinadas, etc. O non cumprimento desta norma, así como recortar o trazado oficial, suporá a descualificación do infractor.

ARTIGO 5: PECHE DE CONTROL DA CARREIRA ABSOLUTA

O control de chegada da proba absoluta pecharase 60 minutos despois da saída da mesma. Pasado ese tempo, o participante que continúe participando na carreira deberá retirarse do circuítO oficial da competición.

ARTIGO 6: INSCRICIÓN, PRAZOS E COTAS

A **inscrición** realizarase online na páxina web www.championchipnorte.com.

O prazo para inscribirse rematará o mércores, **19 de Xuño de 2019, ás 23:59 horas**.

O custe da inscrición na **carreira absoluta** será de **5€** +1€ de aluguer de chip para o que non teña chip amarelo championchip. A inscrición nas **carreiras menores** será **gratuíta**. Non se admitirán inscricións o día da proba.

A inscrición na carreira da dereito a participar na proba, seguro de responsabilidade civil e de accidentes, así como a facer uso de tódolos servizos establecidos pola Organización para os participantes (ludoteca e inchable para os nenos/as, duchas no Pavillón Municipal de Begonte, gardarroupa, aparcadoiros, etc.), e dun agasallo conmemorativo da carreira. Ademais, proporcionarase auga e avituallamento sólido a tódolos participantes en cada unha das carreiras no punto de avituallamento situado nun lugar visible despois da meta. E para finalizar este evento deportivo, tódolos participantes poderán degustar uns aperitivos gratis, finalizada a entrega de premios, no Club Fluvial de Begonte.

Non se devolverá o importe da inscrición por motivos alleos a Organización.



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

ARTIGO 7: ENTREGA DE DORSAIS E CHIPS DE CRONOMETRAXE

A recollida de dorsais e chips realizarase **o mesmo día da proba, dende as 09.00h ata 1h hora antes da saída da carreira absoluta e 1/2h antes para as carreiras menores**, no punto de información do Club Fluvial de Begonte.

Os dorsais son persoais e intransferibles. Deberá ser colocado visiblemente na parte dianteira do/a corredor/a, sen poder facer ningunha modificación no mesmo, nin dobreces e levalo durante toda a proba.

Será obrigatoria a utilización do chip de cronometraxe subministrado pola Organización excepto para os propietarios de chip amarelo championchip, que poderán utilizar o seu. A categoría Mini corre sen chip.

O chip irá correctamente atado nos cordóns das zapatillas ou cunha tobillera á altura do nocello.

Ao finalizar a carreira os corredores deberán OBRIGATORIAMENTE devolver o chip facilitado pola Organización, no punto de información onde recolleron o dorsal.

Non serán admitidos pola Organización corredores que non estean inscritos ou corran sen dorsal e chip, ou co dorsal e chip correspondentes a outra carreira. Impedirase que teñan acceso á carreira en defensa dos dereitos dos regulamentariamente inscritos.

ARTIGO 8: SISTEMA DE CRONOMETRAXE

A cronometraxe realizarase mediante o sistema de chips de Multisports Galicia, S.L. Existirán varios puntos de control ó longo do percorrido. Os participantes que non cumpran co paso por tódolos puntos de control descualificaranse, o que suporá a non aparición nas listas de resultados oficiais finais.



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

ARTIGO 9. CLASIFICACIÓNS, PREMIOS E TROFEOS.



Carreira Absoluta

PREMIOS		
CLASIFICACIÓN	FEMININA	MASCULINA
1º	Trofeo + 200 €	Trofeo + 200 €
2º	Trofeo + 150 €	Trofeo + 150 €
3º	Trofeo + 100 €	Trofeo + 100 €
4º	Medalla + 75 €	Medalla + 75 €
5º	Medalla + 50 €	Medalla + 50 €



Categorías B, C , D, Senior, Veteráns A,B e C

PREMIOS		
CLASIFICACIÓN	FEMININA	MASCULINA
1º	Trofeo	Trofeo
2º	Trofeo	Trofeo
3º	Trofeo	Trofeo
4º	Medalla	Medalla
5º	Medalla	Medalla



Por equipos

PREMIOS		
CLASIFICACIÓN	FEMININA	MASCULINA
1º	Trofeo + 100€	Trofeo + 100€
2º	Trofeo + 75€	Trofeo + 75€
3º	Trofeo + 50€	Trofeo + 50€



Trofeo para o **equipo** que teña o maior número de atletas inscritos.



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019



Medalla para tódolos corredores da **Categoría Mini**. Non haberá trofeos para esta categoría nin se farán clasificacións.



Trofeo ao primeiro **atleta local** masculino e feminino empadroados.



Medalla para tódolos corredores da **Categoría A**, así como trofeos para os tres primeiros clasificados tanto masculino como femininos e medallas para 4º e 5º.

Os premios e trofeos NON son acumulativos.

Os aboamentos dos premios serán tramitados polo Concello de Begonte a través dunha transferencia bancaria. Os participantes que resulten gañadores da carreira absoluta recollerán nese intre un vale do premio. Para poder realizar a transferencia do premio ó/a **gañador/a**, deberá presentar copia do vale, copia do DNI, e certificación do número da conta bancaria nas oficinas do Concello ou remitir a documentación a través da sede electrónica do Concello de Begonte <http://begonte.sedelectronica.es/info.0>, (instancia xeral, tramitación electrónica), antes do **5 de xullo de 2019**.

ARTIGO 10: ENTREGA DE PREMIOS

Os atletas premiados deberán situarse na zona próxima á entrega de premios no momento no que se faga o anuncio pola megafonía, así como estar pendentes da chamada de cada unha das categorías. A hora aproximada da entrega dos premios será entre a 13.15h -13.30h

Os gañadores deberán estar presentes na entrega de premios salvo causa xustificada.

Agradecemos ós responsables dos clubs que, se teñen constancia de que algún atleta non está presente, o comuniquen na zona habilitada para a entrega de premios o antes posible e así evitar esperas innecesarias.

Aqueles que poidan alegar unha causa xustificada pola ausencia no momento da entrega, deberán poñer en contacto co Concello durante un prazo máximo de 15 días, onde se custodiarán os trofeos e medallas non recollidas.



ARTIGO 11: DESCUALIFICACIÓNS

O membros da Organización resérvanse a facultade de descualificar ao infractor que, comprobada calquera irregularidade, non leve visible ou seu dorsal, manipule ou ceda o seu dorsal a outro, altere os datos facilitados á organización con respecto ós que figuren non seu DNI ou ficha federativa, non complete o percorrido completo, manifestar un mal estado físico ou non facilite á Organización a documentación que se lle requira.

Descualifícanse ós corredores/as que non respecten as indicacións da Garda Civil, Protección Civil, Servizos Médicos ou membros da Organización debidamente identificados.

Os corredores descualificados non terán opción ós premios.

ARTIGO 12: RESPONSABILIDADE

Tódolos participantes estarán amparados por unha póliza de RC e de accidentes, que cubrirá os accidentes que se produzan como consecuencia directa do desenvolvemento da proba.

Tódolos inscritos participan voluntariamente e declaran, baixo a súa responsabilidade, realizar o oportuno recoñecemento médico que lle permite estar en condicións físicas óptimas para realizar a proba, eximindo a Organización de dita responsabilidade.

A Organización:

- Responsabilízase dos accidentes que se rexisten dentro do percorrido, pero declina toda responsabilidade no caso de padecemento latente, accidente por abandono do itinerario establecido, negligencia do participante, imprudencia ou inobservancia das leis ou da normativa da competición, etc. Tamén quedan excluídos os casos producidos polo desprazamento ao lugar da competición.
- Disporá dos servizos médicos, de acordo coa lexislación vixente e coa colaboración da Garda Civil e de Protección Civil nos puntos máis estratéxicos do percorrido.
- Non se fai responsable dos danos que a si mesmos ou a outras persoas ocasionen os participantes desta proba.
- Non se fai responsable das consecuencias que se deriven dunha inscrición defectuosa e /ou errónea por parte do corredor ou en quen este delegue
- Non se fai responsable da perda de obxecto ou documentación dos participantes..



REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

ARTIGO 13: RESULTADOS

Os resultados da carreira popular estarán dispoñibles na páxina web oficial da proba www.championchipnorte.com

ARTIGO 14: INFORMACIÓN DE INTERESE PARA O ATLETA

- **Duchas e vestiarios masculinos e femininos:** unha vez rematada a proba estarán a disposición dos corredores vestiarios con duchas femininas no [Pavillón Municipal de Begonte](#)
- **Gardarroupa.** Os atletas poderán dispor de servizo de gardarroupa no punto de información do Club Fluvial.
- **Aparcadoiros:** os atletas disporán de zonas de aparcadoiro detrás do Pavillón Municipal de Begonte, na [Praza do Concello](#), e no [Club Fluvial de Begonte](#). Neste último, permitirase a entrada ata ás 10.00h, e non se permitirá a saída ata finalizada a entrega dos premios.
- **Ludoteca e inchable.** Disporase de ludoteca gratuíta para os nenos atletas e o fillos dos atletas mentres se disputan as carreiras.
- **Servizo de Ambulancia con médico.**







REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019

ARTIGO 15. AUTORIZACIÓN DO DEREITO DE USO DA IMAXE




Tódolos participantes polo feito de inscribirse autorizan a utilizar as fotografías e vídeos tomados no transcurso da carreira e facer uso de ditas imaxes de xeito respetuoso e responsable, de acordo coa Lei Orgánica de protección datos de carácter persoal e aceptan a publicación tanto do seu nome, como da súa imaxe nas clasificacións da proba, nos medios de comunicación e na internet.

ARTIGO 16: MAPA E PERFIL DAS CARREIRAS





REGULAMENTO IV CARREIRA POPULAR CONCELLO DE BEGONTE
SÁBADO 22 DE XUÑO 2019





REGULAMENTO IV CARREIRA POPULAR CONCELLO DE BEGONTE SÁBADO 22 DE XUÑO 2019



ARTIGO 17:

O mero feito de inscribirse na Carreira ,supón a aceptación do presente regulamento.

O descoñecemento deste regulamento non exime do seu cumprimento.

A Organización resérvase o dereito de modificar ou anular o presente Regulamento se as circunstancias o aconsellan.